

queremos máis

AVANCES



TAMÉN EN SANIDADE

Contamos cun proxecto para
ilusionar ás e ós profesionais e
satisfacer as necesidades da cidadanía

PROGRAMA ELECTORAL
ELECCIÓNS AO PARLAMENTO
DE GALIZA 2009 - **SANIDADE**



www.bng-galiza.org

queremos máis



AVANCES

III.4.2.7. Saúde Bucodental

- Ampliar e estender a toda Galiza da rede de Unidades de Saúde Bucodental en atención primaria, con odontólogo e hixienista dental.
- Universalizar a asistencia dental básica: revisións periódicas, instrucións en hixiene e saúde oral, selado de fisuras, exodoncias de dentes deciduos e aquelas permanentes que non se poden conservar sen tratamento conservador, radiografías, diagnóstico de maloclusións, tartrectomías, limpeza e obturacións. Gratuíta desde os 6 aos 16 anos e ampliar progresivamente a cobertura até os 18 anos no final da lexislatura.
- Pór en marcha tratamentos polpares (endodoncias) en nenos/as de 7-8 anos, incrementando a idade de cobertura de modo progresivo.
- Aumentar a cobertura do programa de saúde bucodental da embarazada, con revisións periódicas, consello e educación en hixiene dental e saúde oral do fillo, limpeza dental, exodoncias e durante o segundo trimestre obturacións.
- Procurar a detección precoz do cancro oral con posibilidade de realización de biopsias nas Unidades.
- Ampliar o catálogo de prestacións nos/as pacientes medicamente comprometidos/as: asistencia dental básica máis tartrectomías e obturacións.
- Atender as persoas maiores cun programa específico:
 - a. Con educación sanitaria sobre saúde oral e hixiene bucodental, coidado de próteses, realización de revisións periódicas e axuste oclusal.
 - b. Incorporación das USBD como axentes participantes no proceso de prescrición, adaptación e entrega de próteses dentais removíbeis ao paciente, previa revisión, exodoncias e limpeza dos restos radiculares precisos. Sendo logo o produto sanitario a medida subministrado polos establecementos debidamente autorizados para a súa fabricación e comercialización.
- Realizar promoción da saúde bucodental mediante campañas publicitarias de promoción da saúde bucodental, elaboración de protocolos claros e sinxelos de hixiene bucodental e programas de inicio ao Cepillado Dental Supervisado nos centros de educación infantil, coa participación do profesorado.